



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 20. De Deductione Christi ad Pilatum & Iudæ interitu.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

hæsit, sed egressa ut illum inueniret, coniunxit se illi, non sine magno animi sui dolore, mansitque cum illo ad finem usque. Sic nos in rebus aduersis & tentationibus, non debemus fugere quæ molesta sunt, aut ea inuiti impatienterque sustinere, nedum cessare à bonis actionibus, quoquo modo possumus exercendis: sed potius quasi tum ire Christum, atque illius exemplum, tanquam speculum intueri, atque unà cum illo fortiter ad mortem usque crucem ferre.

5. Si Domina nostra, gratia plena, in tãtas tamẽ anxietates & mœrores incidit, ut dolor ipsius comparetur mari: quomodo nos peccatis pleni, nihil volumus pati, speramusque nos sine vlla re aduersa vitam acturos?



MEDITATIO XX.

CHRISTVS DEDUCTVS  
AD PILATVM ET  
IVDAS PERIT.

PVNCTA MEDITATIONIS.

I. *Summo mane ducentes eum in Concilium quesuerant: An ipse esset Christus, seu Messias.* Mat. 27.  
Mar. 15.  
Luc. 22.

II. *Christo affirmante (ut prius) surgens omnis multitudo, duxit eum ad Pilatum.*

III. *Iudas videns eum condemnatum,*

M 5                      retu-

retulit 30. argenteos in templum, & abiens laqueo se suspendit.

---

FIGURAE.

*Judic. 15* **F**ilij Iuda duxerunt Samson: ligatum, & tradiderunt in manus Philistaeorum.

*2. Reg. 17* Architopelinitio consiliarius, mox proditor Regis sui Dauidis, cum saum consilium non procedere intelligeret, domum abiens, laqueo sibi vitam abstulit.

---

PROPHETIAE.

*Gen. 49.* **S**imeon & Leui fratres vasa iniquitatis bellantia, in consilium eorum non veniat anima mea, quia in furore suo occiderunt virum. Maledictus furor eorum, quia pertinax, & indignatio illorum, quia dura.

*Zach. 11.* Et tulit triginta argenteos, & proiecit illos in domum Domini,

*Psa. 108.* Dilexit maledictionem, & veniet ei, & noluit benedictionem, & elongabitur ab eo, & induit maledictionem sicut vestimentum.

---

DOCUMENTA.

*311* **C**onsidera exitum infelicis Iudae, & animaduverte quemadmodum in arbitrio Petri

Petri fuit negare Christum, sic in illius potestate fuisse illum prodere, sed in neutrius manu fuisse, ad veram pœnitentiam conuer- ti. Itaque caueat sibi quisq; ne per negligenti- am vsque eo in imperfectionibus & pecca- tis progrediatur, vt postea cum pedem velit referre, nec per se possit & multò minùs à Deo adiuuari mereatur.

2. Cum totam noctem Iudæi duxissent in illudendo Christo, summo mane conueniunt ad eius necem. Vide quanto diligentiores sint administri Diaboli, in exequendis cupiditati- bus suis, quarum præmium futurum est sup- pliciorum aternitas, quam nos in seruitu- te Christi, qui promittit nobis vitam æter- nam.


3. Inter tam multos, qui huic consilio ad- erant, non inuenitur vel vnicus, qui CHRISTI innocentis patrocinium susci- piat. Sic in tanto Christianorum & Religio- sorum numero paucos inuenire est, qui suæ vtilitatis cogitatione planè abiecta solam pietatem & honorem D E I pure sequan- tur.

4. Si quando in aliquo leuiter impinga- mus, aut ope vel consilio egeamus: eundem est ad homines secundum spiritum viuen- tes, qui & nobis compatiantur, & opem afferre, & optimis nos institutionibus con- solari possint. Ne imitemur Iudam, qui cum ad Iudæos confugisset, accepta responsione asperiore, desperans laqueo sibi vitam abru- pit.

5. Diaboli hæc est consuetudo, vt hominem efficiat eacum, ne grauitatem peccati prius videat, quam admiserit, quæ postea facilius in desperationem se precipitet. Sic nobi

multi defectus nunc apparent leues, quos post, vbi ad mortem ventum fuerit, grauiores opinionone nostra cognoscemus, cum periculo forte desperationis, nisi maturè respiscamus.

6. Quicumque ducti amore diuitiarum & temporalium commodorum discedunt à seruitute Christi, & ad sæculum reuertuntur, laqueo tenentur implicati vt Iudas.



## MEDITATIO XXI.

### DE PRIMA CHRISTI

APVD PILATVM ACCVSATIONE.

#### PVNCTA MEDITATIONIS.

- Ioan. 18.* I. *Iudæi non introierunt in prætorium, ne contaminarentur, sed manducarent pascha.*
- II. *Pilato interroganti quam accusationem afferent respondent: si non esset malefactor, non tradissemus eum.*
- III. *Et cœperunt accusare. 1. quod subuerteret gentem. 2. prohiberet dari tributum. 3. diceret se regem.*

#### FIGVRA.

*Dan. 6.* **P** Rincipes Regis Darii inuidentes Danieli, quod sibi prælatus esset, calumniis apud Regem oppresserunt, vsque eodum traderetur ad mortem.

PRO-